




Facila Vento

25-a de novembro 2022, numero 3

Redaktas Dmitrij Ŝevčenko kaj Anna Striganova

TEJO aktiva pri scienco

TEJO, kunlabore kun ILEI kaj UEA, lanĉas novan konkurson por junaj esploristoj, sciencistoj, kaj studentoj! La Komisiono pri Edukado, Scienco, kaj Kulturo (ESK) de TEJO fiere prezentas sian novan konkurson KonSciU: Konkurso por junaj Sciencistoj kaj Universitatoj, kiu okazos la 27-an de novembro 2022 (dimanĉo), 14:00 UTC kadre de Retoso. KonSciU estas malfermita al ĉiuj junaj sciencistoj, esploristoj, kaj studentoj ekde la bakalaŭra ĝis la (post)doktora nivelo, kiuj estas samtempe individuaj membroj de TEJO. Prezentu vian esploron, montru viajn kreemon kaj komunikajn lertojn, kaj gajnu diplomon kaj aliajn premiojn!



Kiuj estas la kondiĉoj por partopreni en la Konkurso?

- ★ Esti individua membro de TEJO kaj esti aliĝinta al Retoso 2022;
- ★ Prezenti esploron, kiun vi mem realigis aŭ/kaj publikigis.

Ne necesas esti profesia sciencisto aŭ esploristo. Se vi estas studento aŭ laboristo en alia profesio sed fakas aŭ esploras pri iu fako, aliĝu kaj prezenti vian esploron!

Kion mi devas fari?

1. Preparu mallongan (3-minutan) prezenton pri via esploro. Plej gravos la voĉa komunikstilo kaj la enhavo de via parolado, sed ni ankaŭ rekomendas, ke vi preparu videblan prezentaĵon por akompani vian paroladon.
2. Trairi la funelan sesion en la 26-a de novembro (horo anoncota) kaj la finalon en la 27-a de novembro ekde 14:00 UTC, se vi estos elektita.



La gajnintoj ricevos diplomon kaj diversajn donacojn de TEJO, UEA, kaj ILEI. Krome, ili ankaŭ havos la ŝancon laŭelekte prelegi pri siaj esploroj dum la 79-a Internacia Junulara Kongreso (IJK) en Lignano Sabbiadoro, Italio en aŭgusto 2023.

Se vi havas demandon, kontaktu Snehaja Venkatesh, la kunordiganton de KonSciU, ĉe snehaja.esp@gmail.com aŭ Telegramme [@snehajaa](https://www.instagram.com/snehajaa).



Vi povas esti aŭtoro de Facila Vento kaj la Reta Revuo! Por kontribui, skribu al la redakcio revuo.esperanto@gmail.com



Televide en Italio



Dankon al la itala nacia televido, kiu dissendis filmon faritan okaze de la lasta itala kongreso de Esperanto, en kiu paco okupas la centran lokon, kaj gratulojn al la italaj agantoj por informado al neesperantistoj:
<https://mallonge.net/te>



Partoprenu programerojn, dediĉitajn al la ĉefa temo de la 3-a VK: «Lingvo, vivo, tero: Jardeko de Indiĝenaj Lingvoj». Sekvu la kongresan programon.


Kurso prepare al la Afrika Kongreso



La redaktoro de edukado.net informis ke aldoniĝis nova ero ĉe la Kursejo: Esperanto-kurso en Senegal. Gvidas Vjaĉeslav Slavik Ivanov. Loko: Dakar, Senegal (prepare al la-8-a AKE)
Vi trovos ĝin rekte en la paĝo: <https://edukado.net/kursejo?kid=27474>.



Okaze de la centjariĝo de la naskiĝo (16 novembro 1922) de la portugala verkisto **José de Sousa Saramago** dum la tuta novembro la libroservo de UEA ofertas lian novelon



Rakonto pri Nekonata Insulo

kun sesona rabato, sendepende de la mendata kvanto:
<https://katalogo.uea.org/?inf=7665>



Eŭrovido pri minoritataj lingvoj kaj Esperanto

Voĉdonu por gajnonta kanto/lingvo (ĝis tri elektoj,
ankaŭ eblas nur por Esperanto):

<https://www.menti.com/alapbma8znzu>

Jen resuma filmeto pri la finalistoj:

<https://youtu.be/xj9JdfjCMU>

La kanto "Mozaiko" de Kjara:

<https://youtu.be/gWTtpyE9GA>



La teksto de la kanto:

Purpur' kaj blu'
Verd' arbara, kupra
Kaj ruĝa venecia
Angul', vidpunkt'
Kaj perspektivo varianta nun
Ni malfidemas tiel forte
Kaj timeme pri la estontec'
Vide al vi
Retrovas parton eĉ mi
De mondo kiu daŭras plu
Jen mozaiko floras
Ni estas la parto plej bona de nia universo kiu ŝajnas disfali
Ni estas la salto kiu brulas l' asfaltan kaj lasas polvon surtere
Jen kunpartigo, jen mia mantro de amo
Memorigindas livido rakonta, vive verkenda kaj kune
Jen alkemio de ekvilibroj
Ruĝfadene ire sur la voj'
Vide al vi
Retrovas parton eĉ mi
De mondo kiu daŭras plu
Jen mozaiko floras
Mozaiko floras
Jen mozaiko floras

Jen mozaiko

Ni estas la parto plej bona de nia universo kiu ŝajnas disfali
Ni estas la salto kiu brulas l' asfaltan kaj lasas polvon surtere
Jen kunpartigo, jen mia mantro de amo
Memorigindas livido rakonta, vive verkenda kaj kune
Kontraŭvalore dum tago disfala
Predo fariĝanta ĉasanto
Herbej' disflora eĉ ekstersezona
Jen kunpartigo kaj persistemo
Krias mia mantro kaj ripet-ripete



Nia Esperanta Trinkejo

Sabate je la 17:30 UTC okazos la 116-a sesio de Nia
Esperanta Trinkejo. Ĉi-foje kadre de la 3-a Virtuala
Kongreso de Esperanto.

Ni babilas, trinkas, drinkas, babilas, kantas!

Se vi parolas en Esperanto, venu kaj trinku kun ni.

Ion ajn. Parolu pri io ajn, sed respektu la aliajn.



Nia kanalo en Telegramo:

https://t.me/esperanto_trinkejo

Pliaj detaloj ĉe:

<https://eventaservo.org/e/trinkejo116>



